



Plata dla Ploania Antermëia Sant'Antone Abat

UNITÉ PASTORALA



VAL BADIA
www.unitepastorala.org

Ploian: siur Paul Campeï
E-mail: campei.paul@rolmail.net

Calonia: 0474/520012
Siur Paul: 380 7345533

Ann B

25.11.2018 – 02.12.2018

n. 52


GRAN FESTA DE CRIST RE

La potënza dla verité

 Dan. 7, 2a.13b–14 | Rev 1, 5b–8 | Jan 18, 33b–37

Dal Vangele do San Jan:


Te chël tëmp^{33b} à Pilatus damanè Gejù: Este tò le re di iüdes?³⁴ Gejù à respognü: Dijeste chësc de túa bona, o él stè zacai d'atri che t'al à dit?³⁵ Pilatus à respognü: Sunsi iö forsc n iüda? To popul y i gragn proi t' à surandè a mé. Cî aste pa fat? ³⁶ Y Gejù à respognü: Mi rëgn n' é nia de chësc monn. Sce mi rëgn foss de chësc monn, fössel mia jënt che combatess, ch'i ne ti gniss nia surandè ai iüdes. Mo mi rëgn n' é nia da chilò. ³⁷ Pilatus ti à dit: Chël ô di, che t'es impò n re? Gejù à respognü: Tò le dijës, iö sun n re. Por chël sunsi nasciü y gnü tl monn, ch'i dais testimonianza por la verité. Vignun che é dla verité ascuta mia usc!



Atlamaziun

DLA DOMËNIA

*Benedì sides le regn de nosc pere
Davide, co è tal gnì! Alleluia.*

 Letöres dla Pröma domënia d'Advent (C) | domënia dla dljia te ciasa |:
Ier 33, 14–16 | 1 Tess 3, 12– 4, 2 | Lc 21, 25–28.34–36

Edema liturgica dai 25.11.2018 ai 02.12.2018

2018	Ora	Mëssa
34^a DOMENIA 25.11 CRIST RÈ <i>ultima domènia ann liturgich</i>	9.30 10.00	Corona Gran Mëssa por la comunitéa onur de s. Ujöp Frenademetz families Kircher, Curt de Sura aniversar + Vittoria Turnaretscher aniversar + Emma Rubatscher ++ fam. Herbert Rubatscher + Tio Clara
LÖNESC 26.11	7.25	s. Mëssa + siur Heinrich
MERTESC 27.11		
MERCUI 28.11	7.25	s. Mëssa di scolari + Agostin Paratscha ++ de Loise Kircher
JÖBIA 29.11		
VENDRES 30.11 <i>s. Andrè, apostul</i>	7.25	s. Mëssa + Franz Irsara + Maria Unterweger
SABEDA 01.12	17.00 18.00	Ora d'adoraziun Rorate por i Stödafüch y dedô reuniun generala Rorate por i artejagn + Davide Costalunga (Uniu) + Rudi Kircher + Amalia Erlacher + Zelestina Frenner
1^a DOMENIA 02.12 D' ADVENT Ann C <i>Dales 19.00 invièia les ciampanes ala oraziun tles families</i>	9.30 10.00	Corona Rorate por les families dl zènter y prejentaziun di sorvidus nüs families Winkler, Frapes (rengraziamënt) ++ fam. Carlo Piazza benedisciun dles gherlandes d'advënt (marcé)



Informaziuns y terminns

“**Familiengottesdienst**”: ince te nosc paisc él n grup de umes che s’á metü a desposiziun por abelí y arjigné ca vigni tan la Santa Mëssa cun i mituns y les families. Le pröm iade sará en la 1. Domënia d’Advënt .

En la 1. Domënia d’Advënt ai 02.12 do mëssa saral indo la poscibilité da cumpré **gherlandes d’Advënt!**

I 3 argomënc metüs sön mësa dala vijita dl Vëscó te nosta Unité Pastoralá é stá: - Co ti dé indô valur ala DOMËNIA sciöché De dl Signur - La pastoralá dla FAMILIA y - CARITAS á da fá cun fede cristiana. Por vigni tema él dedô gnü metü sö n comité. Le comité “Turism y domënia” fej chësta **inrescida** por descedé deplü sensibilité **sön l’importanza dla domënia** y ponsé do a ci che desfarenziëia chësc de dai atri dis. Al ne pó nia mancé la componënta religiosa, che ti dá ala domënia na valüta de sanité spirituala sciöché “De dl Signur”. Fora de chësta inrescida sperunse da ciafé val’indicaziuns por valorisé deplü l’importanza dla domënia tles dimensciuns desvalies dla vita y da ne la lascé nia jí sot danter les mile propostes dla industria dl tēmp lēde y dl comerz.

Le chestionar injunté ala plata, o che ciafëis jö a pe de dlijia, se periunse de dé jö te dlijia tla scatora metüda fora cina ai 9 de dezēmbër. Düc è bel inviá a fa para !!!

I jogn d'Antermëia lascia alsavëi che en domënia ai 02/12 dô mëssa vëgnel venü **calëndri d'advënt** al cost de 5€. Ci che vëgn trat ite va a bëgn dla Caritas, por daidé families de Südtirol che à debojēgn.

La Uniun dles Patrones dl comun da S. Martin invieia dōtes les patrones ala **sentada generala** ai 04/12/18 dales 19,00 tl salf di studafüch a S. Martin.

Le **grup de laur dl paisc dl alpinist Lungiarü** inviëia düc i interesá a la **sëra de informaziun “Co poi pa ti dé a mi ghesé la miú informaziun por jí da munt sö?”**, en mertesc ai 27.11. da les 20.00 te salf dles manifestaziuns a Lungiarü. Chiló gnarale dé informaziuns concretes por jí o acusié valgügn da jí da munt sö, adöm ai mēnacrēp Max Willeit y Simon Kehrer. Düc é dër bel inviá.

Le **côr de dlijia y la musiga d' La Plì de Mareo** enviëia dër bel düc cané al **conzert de Santa Zezilia** en domënia, ai 25.11.2018 ales 15.00 te Ciasa dles Uniuns de païsc. Danfora ales 8.30 S. Mëssa éiantada solenna y ales 14.00 öspi da festa te dlijia d' La Plì.

Ochs und Esel - Teater por mituns - En mercui 28 de novēmbër dales 16.00 él da odëi sön paladina dl salf Domëne Moling de La Val la rapresentaziun teatrala por mituns “Ochs und Esel” cun i clowns Herbert y Mimi. I dui clowns oress joblené dër ion n teater da Nadé y insciö toli pert a n “casting” y ai vëgn chiris fora por interpreté les perts dl bo y dl müsc. Le teater é por todësch y al é por mitans y mituns dai 3 agn insö.

SANITÉ: le dotur Eduard Agreiter é demez l’atra edema, la jöbia, 6/12, domisdé, y le vëndres, 7/12, danmisdé; al le sostiuësc la doturia Mahlkecht 349 06 67 034.

De dl Volontariat en sabeda, 01/12, dales 15.30, é düc i voluntars inviá tla Ciasa de Palsa a na mëssa de reingraziament cun n renfräsch - *ciarede tl'ultima plata*.

La Spona, la Uniun Ladins Val Badia y l'Istitut Ladin inviëia al **Marcé da Nadé** la domënia, ai 2 de dezëmber, dales 10.00 ales 17.00, cun creaziuns artejanales **dLa Spona**, libri dl'Uniun Ladins Val Badia y dl Istitut Ladin Micurá de Rù. Dales 14.00 cíanties y melodies d'Advënt, dales 14.30 presentaziun de trëi libri nüs por mituns da pert di auturs y dedô intrategnimënt por mituns.

*Ciarede, chësc chestian, chësc é Gejú.
Te chësta figöra desconsolada, maltratada,
desperada é ël da reconësce, sc'an ti ciara,
jöpert tla meseria, nia söpert ai monumënc y ales
statues.*

*Chësc ó la Festa de Crist Re nes dí:
N re particular, nia n combatënt, nia n potënt,
nia n terorist, y gnanca n re sciöche tles liëndes
sön n tronn, cun corona y sceter.*

*Mo un che s'á fat pice, che é gnü sön n müsc y
s'á lascé mëte pro i ladruns. Un che á pordü döt
por davagné döt y düc. Pro n te re n'unse nia
bria da se sté inré.*



(Image)

Mësses a Rina:	Dom 8.30 Dedol 19.30 Jöb 7.25 Sab 19.15 Dom 8.30
Mësses a San Martin:	Dom 9.30 Jöb 7.30 Sab 18.30 Dom 9.30

	26.11 - 01.12.2018	Annika - Sara
	22.11.2018	Stefan – Dominik – Maria - Nicol
	01.12.2018	Ernesto Winkler
	02.12.2018	Carlo Piazza

Impressum:

Comunicaziuns:

Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | 0474 520044
www.unitepastorala.org | www.comun.sanmartindetor.bz.it